

四庫全書

史部

924243

欽定四庫全書

史部  
廣西通志

卷六十二  
三

詳校官給事中臣鄧文泮

檢討臣德生覆勘

總校官進士臣朱鈐

校對官編修臣盧遂

謄錄監生臣王元愷

欽定四庫全書

廣西通志卷六十二

封建

封建制因時異漢晉而下諸王建國以及五等酬庸大率分土食封僅有名號又或時為贈爵資於變通何多論焉顧與粵西分地有涉者考綴其畧表次如左其自粵尉佗諸人列傳可詳者附紀於後非徒尚封爵崇也原夫所以封與夫所以廢亦

足以資鏡得失用存往躅之一云爾志封建

封建表

始	南粵王趙佗	世	次國	除郡	屬
	詳後列傳				
長沙王吳		詳後列傳			
				案漢書南粵平以其地為儋耳珠崖南	
				海蒼梧鬱林	
				合浦交趾九	
				真日南九郡	
				今二廣交南	
				並是也	

芮

長沙王劉

發

孝景帝子前  
二年封後二  
年諸王來朝  
於帝前稱壽  
發以國小地  
狹為辭乃以  
武陵零陵桂  
陽益馬立二  
十八年亮諡  
曰定子戴王  
庸嗣亮子頊  
王鮒鮒嗣亮  
子刺王建德  
嗣宣帝時坐

王莽時絕

案地理志零  
陵南部今桂  
林地

罪削縣屬堯  
子煬王旦嗣

二年堯無子

元帝初元三

年復立旦弟

宗是為孝王

五年堯子魯

人嗣漢書

洮陽侯劉

長沙定王子  
武帝元朔五

狩燕

年六月壬子  
封元狩六年

堯無後漢書

蒼梧王趙

葉漢書光粵  
王同姓王蒼

漢書地理志  
屬零陵郡象

今桂林全州

後漢書注蒼  
梧今梧州縣

光

梧聞漢兵至  
及粵揭陽令  
定自定屬漢  
得為侯改封  
隨桃

也

以上漢封爵王三人王子侯一人附南粵小王一

人

始安郡公

字太真太原  
初人司徒羨

温嶠

弟愔之子初  
預討王敦封

建寧縣公咸  
和四年邀陶

案吳書孫皓  
甘露元年分  
零陵置始安  
郡今地屬臨  
桂

侃同赴難以  
平蘇峻功進  
封始安郡公  
邑三千戶  
謚忠武子  
之嗣卒弟式  
之嗣晉書

臨賀郡公

桓溫

字元子譙國  
龍亢人宣城  
太守彞子襲  
爵萬寧男永  
和初率衆西  
伐表發即行  
累戰克成都  
振旅還進封

永平中改封  
南郡

案吳書孫權  
分蒼梧之臨  
賀縣置於唐  
宋為賀州今  
平樂賀縣



臨賀郡公晉書

臨賀縣公

溫改封南郡  
降臨賀為縣

桓濟

公以封其次  
子濟及溫病

濟與兄熙同  
謀殺沖為沖

所知俱徒長  
沙溫三子韻

復賜爵臨賀  
晉書

觀陽縣侯

字思遠南頓  
人王敦作逆

應詹

詹首請討賊  
從竹格渡江

宋書地理志  
吳立案今桂  
林灌陽

以上晉封爵郡公二人縣公一人縣侯一人

臨慶王劉

休倩

文帝第十六子孝建元年封東平王未拜薨泰始六年追改休倩為臨慶王立

斬賊帥杜發等賊平封觀陽縣侯食邑一千六百戶咸和六年卒諡曰烈子元嗣晉書

宋書泰始中改臨賀郡為臨慶國屬湘州

<p>禧 始建王劉</p>	<p>子真 始安王劉</p>	
<p>字仲安明帝 第十二子元 徽四年封食 邑二千戶齊</p>	<p>二千戶宋書 大明五年封 始安王食邑</p>	<p>第八王子躋 為嗣食邑二 千戶明年還 本國休倩太 祖所愛故獨 加紹嗣宋書</p>
	<p>泰始二年遷 左將軍丹陽 尹未拜死</p>	
<p>宋書泰始中 改始安郡為 始建屬湘州</p>		

	洮陽侯宗	慤		始安縣子	宗越	
受禪降封蒞浦縣公宋書	南陽涅陽人以征伐功封	洮陽侯卒謚肅子元寶嗣	宋書	南陽葉人孝武時以平竟陵王誕功封	始安縣子後	進爵為侯增邑二百戶宋書
				明帝時謀作難告沈攸之	攸之入白帝下獄死	

以上宋封爵諸王三人侯一人縣子一人

始安王蕭

道生

太祖次兄宋世為奉朝請  
卒建元元年  
追封諡曰貞  
世子鳳亦卒  
於宋明帝建  
武元年追贈  
始安靖王以  
子遙光嗣東  
昏失政舉兵  
攻臺城敗誅  
後以江陵公  
寶覽為始安  
王奉靖王後

南齊書

臨賀王蕭

字雲嶠世祖  
第十六子永

永泰元年高  
宗疾甚絕而  
復蘇子岳等  
皆賜死封絕

子岳

明七年封高  
宗誅世祖諸  
子惟子岳及  
第六人在後  
世呼為七王  
南齊書

以上南齊封爵王二人

臨賀王蕭

武帝弟臨川  
靜惠王宏弟

正德

三子先封西  
豐侯大通四

始安郡王

年進封臨賀郡王侯景反從逆入臺城見殺梁書

承聖三年魏師陷江陵見

蕭方畧

元帝子承聖元年帝嗣位

江陵立皇子方智為晉安

始安郡王

梁書

害

謝沐縣公

字智勇明帝長子封晉安

宋書地理志

蕭寶義

郡王梁受禪改封謝沐縣

梧

漢舊縣屬蒼

公尋封巴陵郡王天監中  
亮梁書

洮陽縣侯

張宏策

字真簡范陽方城人武帝起兵以定策功天監初封洮陽縣侯邑二千二百戶為賊所害謚曰愍子緬嗣梁書

富川縣子

始興曲江人侯景之亂入

隋書地理志屬始安郡案



侯安都

援京邑賊平  
元帝封安都  
為富川縣子  
邑三百戶入  
陳以功進爵  
為侯增邑五  
百戶尋改封  
西江縣公梁  
書

荔浦縣男

劉坦

南陽安衆人  
武帝義師起  
攝行湘部定  
鎮將鍾元紹  
等亂天監初  
論功封荔浦

今平樂富川  
仍舊名

宋書地理志  
漢縣屬蒼梧  
案今平樂荔  
浦仍舊名

縣男邑三百  
戶三年卒子  
象嗣梁書

以上梁封爵王二人縣公一人縣侯一人子男各

一人

臨賀王陳

宣帝第二十  
一子至德初  
封臨賀王陳  
書

正明三年入

叔教

始安王陳

後主第四子  
至德初封始  
安王後立為  
太子陳書

深

始安郡公

淳于量

逍遙郡公

樊毅

其先濟北人  
梁元帝時以  
平侯景功封  
謝沐縣侯入  
陳改封醴陵  
太建中遣子  
岑率軍從征  
淮南論克定  
功進封量為  
始安郡公增  
邑一千五百  
戶陳書

南陽湖陽人  
梁初封夷道  
縣侯入陳改  
封高昌後主

隋書地理志  
陳置逍遙郡  
廢地屬始安  
豪靜今縣亦

富川縣侯

樊猛

即位進封道  
遠郡公邑三  
千戶後隨例  
入關陳書

毅弟初封安  
山縣伯入陳  
於隋正明三  
年入

太建初隸章  
昭達西討潛  
軍入峽焚周  
師船艦以功  
封富川縣侯  
邑五百戶後  
主即位增邑  
并前一千戶  
陳書

廢

以上陳封爵王二人郡公二人縣侯一人

桂王李綸

順宗子貞元二十  
年進封桂王元和九  
年薨唐書

唐書地理志  
桂州本始安  
郡

邕王李諤

本順宗子為  
德宗所愛取  
以為子貞元  
初封邕王十  
五年薨追贈  
文敬太子唐  
書

唐書地理志  
武德四年以  
隋鬱林郡之  
宣化縣置邕  
州案今南寧

昭王李誠

德宗子貞元  
時封唐書

昭王李洵	宣宗子大中八年封唐書		
平樂郡王	濟王環子封平樂郡王唐書		唐書地理志昭州平樂郡
李俛			
平樂郡王	循王適子為光祿卿賜爵平樂郡王唐書		
李護			
蒼梧郡公	汝陽王璉弟玄宗時封唐書		
李玠			
鬱林縣侯	河間王孝恭之孫顯慶五	光宅中罪除	唐書地理志隸貴州案今

李榮

年追封太宗  
子恪為鬱林  
王以榮為嗣  
賜爵鬱林縣  
侯唐書

鬱林縣男

李仁

鬱林王恪子  
光宅中遇赦  
還會榮以罪  
斥故得襲降  
爵為鬱林縣  
男後進封郡  
公更名千里  
改王成以誅  
武三思敗死  
唐書

潯州貴縣

始安郡公  
李襲志

武德初招誘  
嶺南諸州入  
欽五年封始  
安郡公唐書

以上唐封爵王四人小王子王二人郡公二人縣

侯縣男各一人

楚王馬殷

詳後列傳

後周廣順元  
年景遠邊鎬  
入楚盡遷馬  
氏之族於金  
陵  
職方考全昭  
融宜桂賀梧  
蒙嚴富柳象  
始皆屬楚

南海王劉

詳後列傳

職方考容邕  
藤白橫賓潯



隱

賀王朱友

雍

邕王李存

美

邕王劉耀

鬱林先屬南  
漢後楚昭宜  
桂諸州亦并  
屬南漢今皆  
廣西地

梁太祖第五  
子開平元年  
封五代史家  
人傳

後唐太祖子  
八人次曰存

美同光三年  
封家人傳

龔子龔建國  
改元大有五

樞

年封耀樞為  
邕王五代史  
南漢世家

宜王劉洪

龔子大有五  
年封宜王後

照

與弟洪弼洪  
道等為嚴所  
殺南漢世家

貴王劉洪

龔子大有五  
年封南漢世  
家

道

桂王劉璇

晟五十一  
年病甚封其子

職方考宜州  
屬南漢案今  
慶遠

興

繼興等璇興  
封桂王南漢  
世家

以上五代封爵梁王三人唐王一人附南漢小王

四人至交趾自丁璉分據為安南列屬之始另  
附諸蠻志後故不採入

邕王趙光

宣祖長子太  
祖兄建隆三  
年贈中書令  
封邕王宋史  
宗室世系表

濟

普寧郡王

趙仲碩

普寧郡公

趙士稔

始安侯趙

子扎

灌陽侯趙

守約

漢王元佐後  
東陽郡王宗  
悌子諡欽修  
宗室世系表

漢王元佐後  
福國公仲纂  
子宗室世系  
表

燕王德昭後  
宗室世系表

燕王德昭之  
孫樂守約仁  
宗時封宗室  
世系表

唐書地理志  
容州普寧郡

宋書地理志  
屬全州

以上宋封爵見宗室表共五人

靖江王朱

詳後列傳

守謙

義寧王朱

安漢

周惠王同鏞  
子惠王無嫡  
嗣立安瀕為  
世子安瀕亮  
恭王立而幼  
安漢誣恭王  
出不正冀得  
自為王弘治  
三年坐革爵  
正德初復王

元為靜江路  
明桂林府藩  
府在獨秀山  
下

廣輿記屬桂  
林府

義寧王朱

奇漢

富川王朱

堯子睦  
堯子勤  
堯子棟  
堯子立  
長子朝  
長子墀  
不  
及封孫  
在鎡  
立名山  
巖

晉莊王鍾鉅  
次子堯  
次子素  
櫛嗣堯  
知嫵  
立堯子新  
墀  
立堯子慎  
鏢  
立堯子敏  
渾  
立名山  
巖

代懿王俊  
杖  
子堯  
子廷  
坪

充煜

嗣堯子禹錫  
封名山巖

宜山王朱

潘莊王幼墀  
子堯子勛渥

宋為龍水元  
置宜山屬慶

詮鏞

嗣長子蔭榭  
坐累長孫恬  
燦嗣名山巖

遠

靈川王朱

潘莊王次子  
以孫憲王蔭  
樅改封德平  
地志靈川

詮鉢

樅進封潘追  
諡榮懿安王  
王績靈川後  
府  
先封靈川爵  
除

南寧伯毛

初名福壽和  
寧王阿魯台

舊邕州元泰  
定時改為南

勝

之喬以平賊  
功景泰五年  
封伯更名勝  
卒追封侯予  
諡子榮嗣卒  
文嗣卒子良  
嗣卒子重器  
器嗣亡子卒  
弟國器嗣名  
山藏

武靖伯趙

輔

鳳陽人成化  
元年以總兵  
征大藤峽蠻  
三年封又勦

寧路今南寧  
府

潯州府志本  
名碧灘成化  
三年總督韓  
雍以地屬藤



忻城伯趙

彛

建州功進侯	十年子世卒	追封容國公	賜諡子承慶	嗣卒子宏澤	嗣卒子世爵	嗣卒子國斌	嗣卒子光遠	嗣名山巖
-------	-------	-------	-------	-------	-------	-------	-------	------

虹人永樂時	論功封食祿	一千石卒子	榮嗣卒子溥	嗣卒姪槿嗣	卒子武嗣名
-------	-------	-------	-------	-------	-------

峽要害置武靖州既改為鎮今裁

唐書地理志  
芝州忻城郡  
安南都護轄  
明屬慶遠府

山嵐

以上明封爵宗室王一人諸藩小王五人勲封伯

三人

封建列傳

漢

南越王趙佗真定人也秦定揚粵置桂林南海象  
郡以適徙民與粵雜處二世時佗為龍川令南海  
尉任囂病且死被佗書行尉事囂死佗即移檄告  
橫浦陽山湟谿關曰盜兵且至急絕道聚兵自守  
因稍以法誅秦所置吏以其黨為守假秦已滅佗  
即擊并桂林象郡自立為南粵武王高帝已定天

下為中國勞苦故釋佗不誅十一年遣陸賈立佗  
為南粵王授璽綬與剖符通使使和輯百粵毋為  
南邊害越地與長沙接境高后時有司請禁粵關  
市鐵器佗曰高皇帝立我通使物今高后聽讒臣  
別異蠻夷隔絕器物此必長沙王計欲倚中國擊  
滅南海并王之自為功也於是佗乃自尊號為南  
粵武帝發兵攻長沙邊敗數縣高后遣將軍隆慮  
侯竈擊之會暑濕士卒大疫兵不能逾嶺歲餘高

后崩即罷兵佗因此以兵威財物賂遺閩粵西甌  
駱後屬焉東西萬餘里迺乘黃屋左纛稱制與中  
國侔文帝元年初鎮撫天下使告諸侯四夷從代  
來即位意諭盛德焉迺為佗親冢在真定置守邑  
歲時奉祀召其從昆弟尊官厚賜寵之詔丞相平  
舉可使粵者平言陸賈先帝時使粵上召賈為太  
中大夫謁者一人為副使賜佗書賈至南粵王恐  
乃頓首謝願奉明詔長為藩臣奉貢職於是下令

國中帝制黃屋左纛因為書稱臣謝陸賈還報  
文帝大悅遂至孝景時稱臣遣使入朝請武帝建  
元四年卒佗孫胡立十餘歲亮諡曰文子嬰齊立  
亮諡曰明子興立其丞相呂嘉反謀殺漢使者及  
興立明王長男越妻子建德為王元鼎六年樓船  
將軍楊僕等攻破粵人獲建德國除節漢書  
長沙王吳芮秦時番陽令也甚得江湖間民心號  
曰番君沛公攻南陽遇芮之將梅鉞與偕攻析郟

降之及項羽相王以芮率百越佐諸侯從入關故  
立芮為衡山王都邾其將梅鋗功多封十萬戶為  
列侯項籍死漢王以鋗有功從入武關故德芮徙  
王長沙五年詔曰故衡山王吳芮與子二人兄子  
一人從百粵之兵以佐諸侯誅暴秦有大功諸侯  
立以為王項羽侵奪之地謂之番君其以長沙象  
郡桂林南海立番君芮為長沙王都臨湘一年薨  
諡曰文王子成王臣嗣薨子哀王回嗣薨子共王

右嗣堯子靖王羌嗣羌無子堯國絕史

記

五代

楚王馬殷字霸圖許州鄢陵人初為孫儒裨將楊  
行密據宣州儒以兵圍之久不克遣殷與劉建峯  
掠食旁縣儒死乃推建峯為帥殷為先鋒有衆數  
萬乾寧元年入湖南次澧陵潭州刺史鄧處訥發  
邵州兵戍龍回關建峯等至關降其戍將蔣勳直  
趨潭州殺處訥僖宗授建峯湖南節度使殷為馬



步軍都指揮使建峯為其下所殺軍中推行軍司馬張佶為帥佶語諸將曰馬公英勇可共立之乃遣姚彥章迎殷於邵州殷至謁佶於府庭佶下率將吏北面再拜以位與之時乾寧三年也唐拜殷潭州刺史殷遣其將秦彥暉李瓊等攻連邵郴衡道永六州皆下之桂管劉士政懼遣其將陳可璠王建武等率兵守全義嶺殷遣使聘於士政使者至境上可璠等不納殷怒遣瓊等以兵七千攻之

擒可璠等及其兵二千餘人悉阮之遂圍桂管虜  
士政盡取其屬州殷表瓊桂管觀察使四年拜殷  
武安軍節度使初殷弟竇為楊行密所執竇從行  
密攻戰數有功行密愛之問竇誰家子竇曰馬殷  
弟也行密乃厚禮遣竇歸殷大喜表竇節度副使  
梁太祖即位殷遣使修貢太祖拜殷侍中兼中書  
令封楚王袁州刺史呂師周勇健豪俠通緯候行  
密疑之使使詢其動靜師周懼謂裨將綦母章曰

吾與楚人為敵境常望其營雲氣甚佳且聞馬公仁者待士有禮欲逃死於楚可乎章曰公自圖之章舌可斷語不泄也師周以兵獵境上乃奔於楚綦毋章縱其家屬隨之殷聞師周至大喜曰吾方南圖嶺表而得此人足矣以為馬步軍都指揮使率兵攻嶺南取昭賀梧蒙龔富等州殷表師周昭州刺史朗州雷彥恭攻平江許德勲擊敗之殷遣秦彥暉攻朗州彥恭奔吳執其弟彥雄等七人送

於梁於是澧州向瓌辰州宋鄴淑州昌師益等率溪峒諸蠻皆附於殷殷乃請依唐太宗故事開天冊府置官屬太祖拜殷天冊上將軍末帝時加殷武安武昌靜江寧遠等軍節度使洪鄂四面行營都統唐莊宗滅梁殷遣其子希範修貢京師上梁所授都統印莊宗問洞庭廣狹希範對曰車駕南巡纔堪飲馬爾莊宗嘉之莊宗平蜀殷大懼表求致任莊宗下璽書慰勞之明宗即位遣使修貢并

賀殷初兵力尚寡與楊行密成汭劉龔等為敵國  
殷患之問策於其將高郁郁曰成汭地狹兵寡不  
足為吾患劉龔志在五管而已楊行密孫儒之仇  
雖以萬金交之不能得其歡心然尊王伏順霸者  
之業也今宜內奉朝廷以求封爵而外誘鄰敵然  
後退修兵農畜力而有待爾於是殷始修貢京師  
郁又諷殷鑄鉛鐵錢以十當銅錢一又令民自造  
茶以通商旅而收其算歲入萬計由是地大力完

數邀封爵天成二年明宗封殷楚國王有司言無封國王禮請如三公用竹冊乃遣尚書右丞李序持節以竹冊封之殷以潭州為長沙府建國承制自置官屬以弟賓為靜江軍節度使子希振武順軍節度使次子希聲判內外諸軍事謚其曾祖筠曰文肅祖正曰莊穆父元豐曰景莊立三廟長興元年殷卒謚曰武穆子希聲立三年卒弟希範立開運四年卒謚文昭同母弟希廣立為兄希萼所

害乾祐三年希萼自立其弟希崇與楚舊將徐威

等謀作亂囚希萼於衡山亦自立請臣李景

節五代史

南海王劉隱其祖安仁上蔡人父謙為廣州牙將

唐乾符五年黃巢攻破廣州去畧湖湘間廣州表

謙封州刺史賀州鎮遏使以禦梧桂以西歲餘有

兵萬人戰艦百餘艘謙三子曰隱台巖謙卒廣州

表隱代謙封州刺史乾寧中節度使劉崇龜死嗣

薛王知柔代為帥行至湖南廣州將盧琚覃玘作

亂知柔不敢進隱以封州兵攻殺琚玘迎知柔知柔辟隱行軍司馬其後徐彥若代知柔表隱節度副使委以軍政彥若卒軍中推隱為留後天祐二年拜隱節度使梁開平元年加檢校太尉兼侍中二年兼靜海軍節度安南都護三年加檢校太師兼中書令封南平王隱父子起封州遭世多故數有功於嶺南遂有南海隱復好賢士是時天下已亂中朝人士以嶺外最遠可以避多游焉唐世名



臣謫死南方者往往有子孫或當時仕宦遭亂不  
得還者皆客嶺表王定保倪曙劉濬李衡周傑楊  
洞潛之徒隱皆招禮之及龔僭號為陳吉凶禮法  
為國制度畧有次序皆用此數人焉乾化元年進  
封隱南海王是歲卒年三十八弟龔立初名巖母  
段氏生龔外舍謙妻韋氏素妬殺段氏養為己子  
及長善騎射辟薛王府諮議叅軍乾化二年除清  
海軍節度使檢校太保同平章事三年加檢校太

傅末帝即位悉以隱官爵授龔龔封南海王唐末  
南海最後亂僖宗以後大臣出鎮者天下皆亂無  
所之惟除南海而已自隱始亦自立是時交州曲  
穎桂州劉士政邕州葉廣畧容州龐巨昭分據諸  
管盧光稠據虔州以攻嶺上其弟光睦據潮州子  
延昌據韶州高州刺史劉潛及江東七十餘寨皆  
不能制隱攻韶州龔曰韶州所賴者光稠擊之虔  
人必應應則首尾受敵此不宜直攻而可以計取

隱不聽果敗而歸因盡以兵事付龔龔悉平諸寨  
遂殺昌魯等更置刺史卒出兵攻敗盧氏取潮韶  
又西與馬殷爭容桂殷取桂管虜士攻龔取容管  
遂巨昭又取邕管隱龔自梁初受封爵稟上朔而  
己貞明三年龔即皇帝位國號大越改元曰乾亨  
立三廟置百官龔性聰悟而苛酷每視殺人不覺  
朶頤垂涎人以為真蛟蜃也又好奢侈悉聚南海  
珍寶以為玉堂珠殿二年祀天南郊大赦境內改

國號漢三年冊越國夫人馬氏為皇后馬氏楚王  
殷女也四年春置選部貢舉放進士明經十餘人  
如唐故事歲以為常七年唐莊宗入汴龔懼遣宮  
苑使何詞入詢中國虛實詞還言唐必亂不足憂  
龔大喜九年白龍見南宮三清殿改元白龍更名  
龔以應龍見之祥有胡僧言讖書滅劉氏者龔也  
龔乃採周易飛龍在天之義為龔字音儼以名焉  
四年楚人以舟師攻封州封州兵敗於賀江龔懼

以周易筮之遇大有遂赦境內改元曰大有遣將  
蘇章以神弩軍三千救封州章以兩鐵索沈賀江  
中為巨輪於岸上築堤以隱之因輕舟迎戰陽敗  
而奔楚人逐之章舉巨輪挽索鎖楚舟以強弩夾  
江射之盡殺楚人三年遣將李守鄜梁克貞攻交  
趾擒曲承美承美至南海龔登儀鳳樓受俘謂承  
美曰公常以我為偽廷今反面縛何也承美頓首  
伏罪乃赦之承美顛子也克貞又攻占城掠其實

貨而歸五年封王諸子九年遣將軍孫德成攻蒙  
州不克十年交州牙將皎公羨殺楊廷藝故將吳  
權攻交州公羨來乞師襲封子洪操交王出兵白  
藤以攻之襲以兵駐海門權殺公羨逆戰海口植  
鐵橛海中權兵乘潮而進洪操逐之潮退舟還轍  
橛者皆覆之洪操戰死襲收餘衆而還十五年襲  
卒子玠立初名洪度荒恣無政為其下所殺弟晟  
立晟初名洪熙封晉王既弒玠遂自立改元曰應

乾晟立不順懼衆不服乃益峻刑法以威衆已而  
洪杲屢請討賊陰勸晟誅思潮等以止外議晟大  
怒使者夜召洪杲洪杲知不免涕泣與家人訣別  
至則殺之冬晟祀天南郊改元曰乾和二年夏遣  
洪昌祠隱陵於海曲至昌華宮晟使盜刺殺之洪  
昌最賢夔素所欲立者晟尤忌之故先及害諸弟  
相次皆見殺六年遣工部郎中知制誥鍾允章聘  
楚以求婚楚不許允章還晟曰馬公復能經畧南

土乎是時馬希廣新立希萼起兵武陵湖南大亂  
允章具言楚可攻之狀晟乃遣巨象指揮使吳珣  
內侍吳懷恩攻賀州已克之楚人來救珣鑿大阱  
於城下覆箔於上以土傅之楚兵逼城悉陷阱中  
死者數千楚人皆走珣等攻桂州及連宜嚴梧蒙  
五州皆克之掠全州而還九年冬又遣內侍潘崇  
徹攻郴州李景兵亦在與景徹等遇戰大敗景兵  
於宜章遂取郴州故時劉氏有南宮大明昌華甘



泉玩華秀華玉清太微諸宮凡數百不可悉紀宦  
者林延遇宮人盧瓊仙內外專恣為殺戮戾不復  
省嘗夜飲大醉以瓜置伶人尚玉樓項拔劍斬之  
以試劍因并斬其首明日酒醒復召玉樓侍飲左  
右白已殺之戾歎息而已十年湖南王進遠以兵  
五萬率溪峒蠻攻郴州潘崇徹敗遠於蠓石斬首  
萬餘級交州吳昌濬遣使稱臣求節鉞昌濬者權  
子也權自龔時據交州龔遣洪操攻之洪操戰死

遂棄不復攻權死子昌度立昌度卒弟昌濬立始  
稱臣於晟晟遣給事中李璵以旌節招之璵至白  
州昌濬使人止璵曰海賊為亂道路不通璵不果  
行顯德三年世宗平江北晟始惶恐遣使修貢於  
京師為楚人所隔使者不得行晟憂形於色又嘗  
自言知星末年月食牛女間出書占之歎曰吾當  
之矣因為長夜之飲十六年卜葬域於城北運甃  
為壙晟親臨視之是秋卒子銀立銀尤愚而虐不

修國事開寶四年俘入宋降封恩赦侯節五代史

明

靖江王守謙少名鐵柱又名焯高皇帝長兄南昌王之孫大都督文正子也文正守南昌數慢高帝令以罪謫死洪武三年封鐵柱為靖江王更名守謙命耆儒趙堦為長史傳之既長之國桂林守謙表謝帝覽之淚下沾襟敕其文武從臣曰從孫幼而遠鎮西南善導之為著昭鑒錄守謙知書而性

特戾狎比小人肆為淫虐帝不忍置之法召還京師誠諭守謙不知悔復作詩怨望乃廢為庶人七年復其爵使鎮雲南貪暴如故召還安置鳳陽復不悛帝乃召至京師撻而錮之二十五年卒命其子贊儀為世子留京師贊儀恭慎好學能書三十年春使省視晉燕周楚齊蜀湘代肅遼慶谷秦諸王叔父周覽天下山川風土以廣其意永樂初之國成祖使蕭用道為其府長史用道佐王以善王

亦敬禮之他日問用道曰古今人何多好名也用  
道曰名之與實猶形影也豈在好哉王第好其實  
東平河間非有其實能有令名乎王薨謚悼僖子  
佐敬嗣薨謚崇簡長子相承先王卒子規裕嗣進  
封長子為悼順王規裕薨謚昭和子約期嗣以孝  
謹聞然病癘薨謚端懿子經扶嗣好學問嘗為敦  
義歲薨謚安肅子邦寧嗣薨謚恭惠子任昌嗣薨  
謚康僖子履燾嗣薨謚溫裕亡子康僖王弟任晟

以輔國將軍進封為王

節名山巖

廣西通志卷六十二

欽定四庫全書

廣西通志卷六十三

名宦

利澤施於民而後名聲著於時名固不可倖得也  
一介之士存心利物於人有濟宦又不在大小也  
粵稽往昔任延奠交州徐申靖邕管陸績載石柳  
宗元種柑宮牆俎豆史乘贊美下至黃童白叟亦  
莫不艷稱之惠心之字不疾而至後之視今亦猶

今之視昔有位君子仰思先哲內省治行其各知  
所以自勗也夫志名宦

秦

史祿始皇時以史祿監郡始皇伐百粵史祿轉餉  
鑿渠通糧道自海陽山疏水源以湘水北入於楚  
而融江為牂牁下流南入於海遠不相謀為磯以  
激水於砂磧中壘石作鐮派湘之流而注之融激  
行六十里置陡門三十六使水積漸進故能循崖



而上建瓴而下既通舟楫又利灌溉號為靈渠及漢馬援征徵側繼䟽之以濟師徒引饋運皆祿之遺蹟有功於粵首祀海陽靈濟祠

舊志

任囂始皇將也始皇滅楚始遣王翦平百粵用屠睢為尉統五軍討不服粵人遁入叢薄而陰置雄傑將攻睢殺之始皇大怒發兵拜囂南海郡尉畧定揚粵置桂林南海象郡以謫戍人五十萬戍五嶺囂又能和輯粵衆遂定粵亂後諸侯兵起知揚

粵必有偏霸者乃築關隘以遏寇虐保障其民至  
二世時囂病且死召龍川令趙佗語曰聞陳勝等  
作亂豪傑起南海僻遠恐盜兵侵此吾欲興兵  
絕新道自備待諸侯變且番禺負山阻險南北東  
西數千里頗有中國人相輔此亦一州之主可為  
國郡中長吏無足與語者故召公即被佗書行南  
海尉事佗因得雄據揚粵秦末四方干戈相尋獨  
南海晏然囂實遺之今瀧口有任將軍廟云

舊志  
參趙

傳佗

漢

路博德西河平州人元鼎五年下詔討南越博德以衛尉授伏波將軍出桂陽下湟水主爵都尉揚

僕為樓船將軍出豫章下橫浦

漢書作  
浦水

歸義越侯

鄭嚴為戈船將軍出零陵下灘水田甲為下瀨將軍下蒼梧使馳義侯何遺別將巴蜀罪人發夜郎兵下牂牁江會番禺建德呂嘉皆城守博德軍西

北會日暮樓船攻敗越人越素聞伏波名乃為營遣使招降者賜印綬復縱令相招遲旦城中皆降伏波呂嘉建德夜與其屬亡入海伏波因問所得降者知其處追獲之其蒼梧王趙光桂林監居翁等皆降遂以其地為儋耳珠崖南海蒼梧鬱林合浦交阯九真日南九郡今蒼梧鬱林博德所開也

叅史記及前漢書

郭孚太原人武帝時為光祿大夫元鼎中帝之遣

安國少季終軍等諭南粵也命孚為偏將軍副伏  
波將軍屯桂陽待使者南粵王興與太后嫪氏將  
行其相呂嘉不從反殺太后及王并殺漢使者以  
兵擊漢將韓千秋等滅之於是伏波將軍帥師下  
湟水而留孚守桂陽撫輯其民極有惠愛南粵平  
孚以無戰功不得侯比卒桂陽民感其德建廟祀

之

廣東  
通志

來漢南陽新野人武帝時為光祿大夫元鼎中命

副樓船將軍楊僕伐粵出豫章下橫浦僕性酷烈所至民苦鋒鏑漢以寬厚濟之粵人多藉全活嘗自謂吾志在活人人食我德後昆其庶有興乎及

光武時征羌侯歙為中興勲臣其裔孫也

舊志

羅宏荊州長沙人元封五年初置交趾部刺史察所部郡國治蒼梧郡往刺史多以荒遠行部罕遍部吏因得恣其貪殘宏為刺史春行冬息遍歷所部問詢疾苦太守多解綬請罪宏廉實舉發一時

貪殘為之斂迹

舊志

召信臣字翁卿九江壽春人以明經甲科為郎出  
補穀陽長舉高第遷上蔡長視民如子所居見稱  
述超拜零陵太守後遷南陽太守其治如上蔡善

政及民為循吏最

舊志 漢書

錫光漢中人平帝時為交阯太守教導民夷漸以  
禮義化王莽末閉境拒守建武初遣使貢獻封鹽  
水侯嶺南華風實光始之云

漢書

馬援字文淵扶風茂陵人其先趙奢為趙將號馬  
服君子孫因為氏建武十七年交趾女子徵側徵  
貳反攻沒其郡九真日南合浦蠻夷皆應之寇畧  
嶺外六十餘城側自立為王乃拜援為伏波將軍  
以扶樂侯劉隆為副督樓船將軍段志等擊之遂  
緣海而進隨山刊道千餘里十八年春軍至浪泊  
上與賊戰破之斬首數千級降者萬餘人援追徵  
側等至禁溪數敗之賊遂散走明年正月斬徵側



徵貳傳首洛陽封援為新息侯復將樓船大小二千餘艘戰士二萬餘人擊九真賊徵側餘黨都羌等自無功至居風斬獲五千餘人嶠南悉平援所過輒為郡縣治城郭穿渠灌溉以利其民條奏越律與漢律駁者十餘事與越人申明舊制以約束之自後駱越奉行馬將軍故事二十年秋振旅還京師援善別名馬於交阯得駱越銅鼓乃鑄為馬式以上之初援在交阯常餌薏苡實愛其實大欲

傳其種軍還載一車援卒後有譖之者誣以為明珠文犀帝怒妻子惶懼不敢以喪還舊塋至肅宗

建初三年追謚忠成侯

節後漢書本傳

劉隆字元伯南陽安衆侯宗室也建武十七年封扶樂鄉侯以中郎將副伏波將軍馬援擊交阯徵側等隆別於禁溪口破之獲其帥徵貳斬首千餘級降者二萬人以功更封長平侯

本傳

李善字次孫南陽人本同縣李元蒼頭也建武中

元家相繼疫歿惟孤兒續始生數旬諸奴婢欲謀  
殺續而分其貲善潛負續逃隱瑕丘親自哺養乳  
為生漣雖在孩抱奉之不異長君續年十歲與俱  
歸訟之官收諸奴婢悉置法瑕丘令鍾離意上書  
薦善行狀光武詔拜善及續並為太子舍人顯宗  
時辟為公府以能理劇再遷日南太守到官以惠  
愛為政懷來異俗遷九江太守未至道病卒

節舊志引

後漢書

任延字長孫南陽宛人也年十二為諸生學於長安明詩易春秋顯名太學建武初詔徵為九真太守九真俗以射獵為業不知牛耕民常告糴交阯每致困乏延乃令鑄作田器教之墾闢田疇歲歲開廣百姓充給又駱越之民無嫁娶禮法不識父子夫婦之倫延乃移書屬縣各使男年二十至五十女年十五至四十皆以年齒相配其貧無禮聘令長吏以下各省奉祿以賑助之同時相娶者二

千餘人然後產子者始知種姓咸曰使我有是子者任君也多名子為任於是徼外蠻夷夜郎等慕義保塞延遂止罷偵候戍卒九真人<sub>生</sub>為立祠

舊志

引後漢書循吏傳

谷朗未陽人事繼母以孝聞建武中仕至大中大夫值交阯叛遣朗征之經番禺牂牁威聲大著事

平遷九真太守

舊志

胡貢

一名寵

南郡華容人和帝永元元年辟為交阯

都尉南撫桂陽東綏番禺延見將吏禮洽法行軍旅大治在郡六年柝鼓頓息民夷歸附上下安之

舊志

喻猛字驕孫豫章人和帝時為蒼梧太守以清白

為治郡人歌之

西江志

綦母俊會稽上虞人安帝時為交趾刺史元初三年合浦蠻反遣御史任連督州郡兵討之俊以蒼梧當合浦下蠻或流劫猝難回顧乃先保障蒼梧

後往合浦所向摧靡功當封賞上書歸功於違詔

下美之

廣東通志

陳臨字子然南海人郡舉孝廉永建中官蒼梧太守推誠而理導人以孝弟民有遺腹子為父報怨殺人為吏所獲臨知其無嗣令其妻侍獄中後產

一男郡人歌其德建安中徵為廷尉

節舊志

張喬南陽人順帝永和二年日南象林徼外蠻夷糾數千人攻象林燒城寺殺長吏交阯刺史樊演

發交趾九真兵萬餘人救之賊勢轉盛會侍御史  
賈昌使日南即與州郡并力討之不利帝以為憂  
召公卿百官及四府掾屬問方畧大將軍從事中  
郎李固謂喬前在益州有破虜功可任用平賊帝  
即拜喬為交趾刺史喬至開誠撫諭並皆解散嶺

外復平

舊志

周敞汝南人順帝時為交趾刺史懷柔民夷甚有

威惠

舊志



祝良字邵卿長沙臨湘鄉人順帝永建中為涇陽令永和中遷九真太守嶺南徼外蠻犯合浦象林等郡殺刺史良單車入蠻中設方畧招以威信降者數萬人皆為良築起府寺嶺外遂定

後漢書

陳茂字君惠汝南人仕為交趾別駕舊時刺史行部不涉漲海永和中盜賊起日南九真海濱皆震刺史周敞涉海遇風船欲覆茂拔劍呵水神風即息人望之以為神明後為荊州刺史

廣東通志

唐頌字德雅番禺人為布山令縣屬鬱林民夷雜  
居號難治頌寬和為理不事威讐民感其政無梗  
化者及卒百姓祀之

舊志

陳稚升東漢時為蒼梧太守治尚清靜民咸化之

圖園常空

舊志

陳球字伯真下邳淮浦人也少涉儒學善律令陽  
嘉中舉孝廉稍遷繁陽令復辟公府舉高第拜侍  
御史是時桂陽黠賊李研等羣聚寇鈔陸梁荆部

州郡懦弱不能制太尉楊秉表球為零陵太守球  
到設方略暮月間賊虜消散而州兵朱蓋等反與  
桂陽賊胡蘭數萬人轉攻零陵零陵下濕編木為  
城不可守禦郡中惶恐掾史白遣家避寇球怒曰  
太守分國虎符受任一邦豈顧妻孥而損國威重  
乎復言者斬乃悉內吏人老弱與共守城弦大木  
為弓羽矛為矢引機發之遠射千餘步多所殺傷  
賊復激流灌城球輒於內因地勢反決水淹賊相

拒十餘日不能下會中郎將度尚將救兵至球募  
士卒與尚共破斬朱蓋等賜錢五十萬拜子一人

為郎遷魏郡太守

後漢書

夏方九江人建康元年為交阯刺史時日南蠻夷  
千餘人攻縣邑煽動九真與相連結方開誠招諭  
賊皆降服以功遷桂陽守延熹三年居風人朱達  
為亂屯據益盛復拜方交阯刺史方威惠素著日  
南宿賊聞之二萬餘人相率詣降

後漢書

魏朗字少英會稽上虞人也少為縣吏為兄報讐  
殺人亡命到陳國從博士卻仲信學春秋圖緯又  
詣太學授五經初辟司徒府再遷彭城令永壽三  
年九真蠻相聚攻殺太守兒式戰死詔賜錢官其  
子以朗為九真都尉到官獎厲吏兵討破羣賊斬  
首二千級桓帝嘉其功徵拜議郎累官至尚書被  
黨議免歸

後漢書  
本傳

沈景桓帝時為交趾都尉屯兵圍馬新厥政令馭

蠻有功交部以寧

舊志

張磐字子石丹陽人為交州刺史延熹五年長沙  
零陵賊起攻入桂陽南走蒼梧時荊州刺史度尚  
廣募蠻夷明設購賞破其渠帥降者數萬人其餘  
黨入梧者磐自將擊之斬捕幾盡尚徵還京餘黨  
復熾尚恐磐上狀先誣奏磐乃徵磐下廷尉會赦  
磐不肯出獄吏曰天恩曠然而君不出何也磐曰  
前長沙賊胡蘭作亂荊州餘黨散入交趾磐身膺

甲冑涉危履險討擊凶患馘斬渠帥餘賊烏竄荆  
州刺史度尚畏罪誣奏受罪牢獄磐實不辜赦無  
所除忍以苟免磐不能也乞傳尚詣廷尉面對曲  
直足明真偽倘尚不徵磐寧埋骨牢檻終不虛出  
廷尉以其狀上乃徵尚詣廷尉辭窮抵罪以先有  
功得原磐在官以清白聞

後漢書

蔣晉荊州泉陵人靈帝時舉孝廉為汝南太守後  
遷交阯刺史入奏事應對不滯拜尚書在位清直

廣東  
通志

楊璇字機平會稽烏傷人也父扶交陞刺史有理  
能名璇初舉孝廉靈帝時為零陵太守是時蒼梧  
桂陽猾賊相聚攻郡縣賊衆多而璇力弱吏人憂  
恐璇乃特制馬車數十乘以排囊盛石灰於車上  
繫布索於馬尾又為兵車專設弓弩剋期會戰乃  
令馬車居前順風鼓灰賊不得視因火燒布索布  
然馬驚奔突賊陣因使後車弓弩亂發鉦鼓鳴震



羣盜波駭破散追逐傷斬無數梟其渠帥郡境以清  
荊州刺史趙凱以璇冒功誣奏檻車徵璇防禁嚴密  
璇乃噬臂出血書衣為章具陳破賊形勢又言凱所誣  
狀潛令親屬詣闕上之詔書原璇拜議郎抵凱罪璇三  
遷為渤海太守所在有異政仕至

尚書僕射

後漢書

賈琮字孟堅東郡聊城人舉孝廉再遷為京兆令有政績  
舊交吐土多珍產明璣翠羽犀象璆瑁異

香美木之屬莫不自出前後刺史率多無清行上承權貴下積私賂財既盈給輒復求見遷代故吏民怨叛中平元年交阯屯兵反執刺史及合浦太守自稱柱天將軍靈帝特勅三府精選能吏舉琮為交阯刺史琮到部詢其反狀咸言賦斂過重百姓莫不空竭京師遙遠告寃無所民不聊生故聚為盜賊琮即移書告示各使安其資業招撫流散蠲復徭役誅斬渠帥為大害者簡選良吏試守諸

縣歲間蕩定百姓以安為之歌曰賈父來晚使我  
先反今見清平吏不敢犯在事三年為十三州最  
徽拜議郎後為度遼將軍

舊志

谷永建寧中為鬱林太守以恩信招降烏潯人十

餘萬內屬開置七縣

即今潯州府地

郡人立祠祀之

節漢書

朱雋字公偉會稽上虞人也少孤以孝養致名太  
守徐珪舉為孝廉除蘭陵令政有異能為東海相  
所表會交趾部羣賊並起收守不能制又渠賊梁

龍等與南海太守孔芝反攻破郡縣光和元年拜  
雋交趾刺史令過本郡簡募家兵及所調分兩道  
入既到州界按甲不前先遣使觀賊虛實宣揚威  
德以震動其心既而與七郡兵俱進逼之遂斬梁

龍降者數萬人旬月盡定以功封都亭侯

後漢書  
本傳

周乘字子居安城人建安中以侍御史為交州刺  
史上書云交州絕域習於貪濁強宗聚奸長吏肆  
虐侵漁萬民今為聖朝掃清一方時屬城解綬者

三十餘人

舊志參  
廣東志

蜀漢

李恢字德昂，元人。昭烈入益州，恢為康降都督，持節交州刺史。昭烈崩，高定恣睢於越，雋雍闖跋扈於建寧。朱裒反叛於牂牁，惟恢鎮南土，與諸葛亮聲勢相倚，以功封漢興亭侯。加安漢將軍，建興七年詔以交州屬吳，乃徵恢還。

三國志

魏

霍弋字紹先南郡枝江人初仕蜀漢累官南安將軍入魏拜南中都督後領交州刺史以援呂興平

交阯九真日南三郡功封列侯

舊志

楊稷捷為人景元四年吳將呂興以交阯叛歸魏魏以南中監軍霍弋遙領交州刺史弋表遣稷率牙將董元毛炅等往成交阯吳交州刺史劉俊大都督修則將軍顧容前後三攻交阯稷皆拒破之鬱林九真皆降稷遣毛炅董元攻合浦戰於古城

大破吳兵殺修則劉俊晉太始五年吳復遣將軍  
薛珣監軍虞汜蒼梧太守陶璜等率兵十萬攻交  
阯時霍弋已死外援不至城中食盡死亡者半將  
軍王約反降吳吳兵入城獲稷囚送入都稷至合

浦嘔血死晉追贈交州刺史

通鑑華  
陽國志

毛旻建寧人從楊稷成交阯古城之戰旻殺吳大  
都督修則稷表旻鬱林太守及交阯城陷旻為吳  
所獲陶璜愛旻勇健欲活之旻謀欲殺璜璜乃戮

之修則之子允生剖其腹割其肝炅厲罵而死

通鑑

華陽  
國志

吳

步騭字子山臨淮淮陰人為孫權主記累遷車騎  
將軍東曹掾建安十五年徙交州刺史立武中郎  
將領武射吏千人便道南行時劉表所置蒼梧太  
守吳巨陰懷異心外附內違騭降意懷誘請與相  
見因斬徇之威聲大震於是交趾太守士燮兄弟



相率奉命南土之賓自茲始也延康元年權遣呂  
岱代隲會昭烈東下武陵蠻夷蠢動權命隲上益  
陽以備蜀昭烈既敗績而零桂諸郡猶相驚擾處  
處阻兵隲周旋征討皆平之黃武二年遷右將軍  
左護軍改封臨湘侯至赤烏九年代陸遜為相

節三

國志  
本傳

呂岱字定公廣陵海陵人孫權統事岱詣幕府歷  
官廬陵太守延康元年代步騭為交州刺史到州

高涼賊帥錢博乞降岱承制以博為高涼西郡都尉又鬱林夷賊攻圍郡縣岱討破之是時桂陽瀘陽賊王金合衆於南海界上首亂為害權又詔岱討之生縛金傳送詣都伏誅生獲萬餘人遷安南將軍假節封都鄉侯交趾太守士燮卒權以燮子徽為安遠將軍領九真太守以校尉陳時代燮岱表分海南三郡為交州以將軍戴良為刺史而自領廣州海東四郡遣良與時南入徽不承命舉兵

戍海口以拒良等於是上疏請討徽罪督兵三千  
人晨夜赴海或謂岱曰徽藉累世之積為一州所  
附未易輕也岱曰今徽雖懷逆計未虞我之猝至  
若我潛軍輕舉掩其無備破之必矣稽留不進使  
得生心嬰城固守七郡百蠻雲合響應雖有智者  
誰能圖之遂行過合浦與良俱進徽聞岱至果大  
震怖不知所出即率兄弟六人肉袒以迎岱岱皆  
斬之其將甘醴桓治等率吏民攻岱岱奮擊大破

之既定交州復進討九真斬獲以萬數又遣從事  
南宣國化暨徼外扶南林邑堂明諸王各遣使奉  
貢權嘉其功進拜鎮南將軍代潘濬領荊州赤烏  
二年將軍蔣秘南討夷賊其都督廖式作亂殺臨  
賀太守嚴綱等自稱平南將軍與弟潛共攻零陵  
桂陽及搖動交州蒼梧鬱林諸郡衆數萬人岱自  
表輒行星夜兼路權遣使追拜交州牧復遣將唐  
咨等絡繹相繼攻討一年破之斬式及所偽署臨

賀太守賈揚等并其支黨郡縣悉平乃還武昌岱  
在交州歷年不餉家妻子饑乏權聞之太息責讓  
羣臣於是加賜錢米布絹孫亮即位拜大司馬  
節本  
傳

陸蔭字敬宗吳郡人始為御史尚書選曹郎後為  
衡陽督軍都尉赤烏十一年交阯九真夷賊攻沒  
城邑交部騷動以蔭為交州刺史安南校尉蔭入  
南界諭以恩信務崇招納高涼賊帥黃吳等三千

餘家皆出降引軍而南重宣至誠遺以財幣賊帥  
百餘人民五萬餘家幽深不羈莫不稽顙交域清  
泰就加安南將軍復討蒼梧建陵賊破之永安元  
年徵為西陵督封都亭侯後轉左虎林中書丞華  
覈以蔭在交威德虎林選督未盡其才特表薦之

參三  
國志

陸績字公紀吳郡人博學多才孫權辟為奏曹掾  
以直道見憚出為鬱林太守加偏將軍俗不知學

績迪以詩書士慕其風皆舍里居而受學焉秩滿  
歸舟輕取石壑之人因號為廉石績意在儒雅雖

有軍事著述不廢作渾天圖注

舊志參  
本傳

黃蓋南海人仕吳為始安太守時郡治初建蓋多所  
規拓加以嚴飭下不容奸於時吏治最稱能理

舊志

晉

陶璜字世英丹陽秣陵人父基為吳交州刺史孫  
皓時交阯太守孫譚貪黷暴虐為百姓患會察戰

鄧荀至擅調孔雀三千頭遣送秣陵民苦遠役咸  
思為亂郡吏呂興因殺譖及荀以郡叛附晉即拜  
興交阯太守尋為其功曹李統所殺武帝乃遣爨  
谷馬融相繼為交阯太守皆病卒因命霍弋遙領  
之而遣楊稷董元等自蜀出交阯破吳軍吳遣虞  
汜為監軍薛珣為威南將軍大都督璜為蒼梧太  
守與稷戰於分水璜敗退保合浦亡其二將珣怒  
曰若自表討賊而喪二帥其責安在璜曰下官不



得行意諸軍不相順故致敗耳璜夜以數百兵襲董元獲其寶物船載以歸遂從海道徑至交阯元拒之諸將將戰璜疑斷牆內有伏兵列長戟於其後兵纔接元偽退璜追之伏兵果出長戟逆之大破元等以前所獲寶物厚遺扶巖賊帥梁竒竒將萬餘人助璜元有勇將解系同在城內璜誘其弟象使為書與系又使象乘璜輅車鼓吹導從而行元等曰象尚若此系必有去志乃就殺之遂陷交

陟吳因用璜為交州刺史璜有謀策周窮好施能  
得人心復助滕脩討南賊破之惟九真郡功曹李  
祚猶保郡附晉璜遣將攻之不克祚舅黎晃隨軍  
勸祚令降祚答曰舅自吳將祚自晉臣惟力是視  
耳踰時乃拔皓以璜為使持節都督交州諸軍事  
前將軍璜又開置武平九德新昌三郡及九真屬  
國三十餘縣皓既降晉手書遺璜璜不得已歸晉  
晉改為冠軍將軍封宛陵侯晉既平吳滅州郡兵

璜上言交土荒裔州兵未宜約損示單虛從之

疏全載  
藝文志

璜在南三十年恩威著於殊俗後卒於

官璜子威亦為交州刺史甚得百姓心威弟淑

子綏相繼為交州自基至綏四世為交州者五

人本傳

滕脩字顯先南陽西鄂人孫皓時為廣州刺史甚

有威惠徵為執金吾廣州部曲督郭馬等為亂皓

以脩夙望為嶺表所服使持節鎮南將軍廣州牧

以討之未克而晉師伐吳脩率衆赴難至巴丘而  
皓已降乃縞素流涕而還與廣州刺史閻豐蒼梧  
太守王毅俱歸晉詔使持節都督如故封武當侯  
加鼓吹委以南方事在南積年為邊夷所附子含  
亦為廣州刺史威惠甚著

節舊志  
參晉書

陶侃字士行潯陽人忤王敦左遷廣州刺史時王  
機乞交州杜宏據臨賀與溫邵及交州秀才劉沈  
等俱謀反侃擊杜宏破之執劉沈於小桂又遣部

將許高討機斬之太興初交州賊梁碩陷刺史王

諒侃復遣將高寶擊平之以侃領交州刺史

節本傳

干寶字令升新蔡人以才器為著作郎家貧求補

山陰令遷始安太守治尚清靜公退即務著述

本傳

孫處字季高會稽永興人以字行少任氣樂義從

劉裕征妖賊孫恩及定京邑元興二年恩死衆推

其妹夫盧循為主復作亂裕遣季高率衆三千汎

海襲番禺克之循父嘏長史孫建之司馬虞廷夫

等輕舟奔始興即分遣振武將軍沈田子等討平  
始興南康臨賀始安嶺表諸郡循自嶺道還襲廣  
州李高拒戰敗之追奔至鬱林會病不得窮討義  
熙七年卒贈南海太守裕為太尉表其功復贈交

州刺史

節本  
傳

杜瑗字道言交趾朱戴人仕州府為日南九德交  
趾太守初九真太守李遜父子勇壯有權力威制  
交土聞刺史滕遜之當至分遣二子斷遏水陸津

要瑗收衆斬遜州境獲寧遜之在州十餘年將北  
還林邑王范吳達攻破日南九德九真三郡遂圍  
州城時遜之已去瑗與第三子玄之悉力固守多  
設權策累戰大破之乃以瑗為龍驤將軍交州刺  
史元興末進冠軍將軍盧循竊據廣州遣使通好

瑗斬之義熙六年卒

參舊志  
本傳

宋

顏延之字延年琅瑯臨沂人高祖時仕至太子中

舍人少帝即位遷始安太守領軍將軍及至始安

構讀書堂於獨秀山

作五君詠

元嘉三年徵還

節舊志引本傳

杜慧度瑗第五子義熙七年除交州刺史詔書未

到盧循襲合浦寇交州慧度率衆拒循於石碕破

之時李遜子李奕李脫等奔竄石碕盤結俚獠

各有部曲循知奕等與杜氏有怨遣使招之奕等

受循節度六月庚子循晨造南津令三軍入城乃

食慧度悉出宗族私財以充勸賞弟交阯太守慧



期九真太守章民並督率水步軍慧度自登高艦  
合戰放火箭雉尾炬步軍夾兩岸射之循衆艦俱  
燃一時散潰循中箭赴水死斬循及父嘏并循二  
子並傳首建業封龍編縣侯武帝受禪進號輔國  
將軍其年南討林邑窮蹙乞降輸生口大象南金  
古貝乃釋之遣長史江攸獻捷慧度儉樸質素布  
衣蔬食在州禁斷淫祀崇修學校歲饑則以私祿  
賑給為政纖密有如居家由是威惠霑洽奸盜不

起少帝景平元年卒

參舊志  
本傳

杜宏文慧度長子初為員外散騎侍郎父卒就拜  
振威將軍繼父為交州刺史亦以寬和得眾元嘉  
四年文帝以廷尉王徽之為刺史宏文被徵時得  
重疾乃扶病即路至廣州卒遣弟宏猷詣京朝廷

甚哀之

參舊志  
本傳

檀和之高平金鄉人元嘉二十年冬為交州刺史  
留意足民乃更練武會林邑王陽邁寇盜不已乃

以和之為龍驤將軍及振武將軍宗慤伐之和之  
遣司馬蕭景憲為前鋒克其區粟城乘勝入象浦  
和之與慤共克林邑陽邁奔竄獲其珍異和之既  
克遠夷益自謙慎以餘財頒及交廣軍士捷聞召  
還封雲社縣子以景憲代之

舊志

宗慤字元幹南陽人任氣好武隨江夏王義恭鎮  
廣陵元嘉中伐林邑慤自奮請行乃以為振武將  
軍隨擅和之進討既克區粟城至象浦陽邁以具

裝被象來拒慙制獅子形禦之象果驚奔遂克林  
邑獲珍寶不可勝計慙一毫不取衣櫛蕭然文帝

甚嘉之

祭本  
傳

陳伯紹吳興人泰始四年妖人劉思道作亂進攻  
廣州殺刺史羊希嶺海大震太守蕭惠徽與戰敗  
死詔伯紹領西江兵討思道誅之為西江都護伯  
紹以合浦北界夷獠叢居編戶乃帥兵二千人獵  
於北地見二青牛驚走入草逐之不得謂此地當

有異祥啟立為越州明帝命為交州刺史使經營  
焉始置百梁龍蘇永寧安昌富昌南流大郡割廣  
交朱蘇三郡來屬元徽二年以伯紹為刺史督交  
越二州事始立州鎮穿山為城門以保邊境俗呼  
青牛城伯紹惠及士民威服里獠民甚德之及卒

民為立祠

參舊志

劉勳字伯猷彭城上里人仕宋為龍驤將軍先是  
遣費沈伐陳檀不克仍除勳西江督護鬱林太守

勳既至率軍進討隨宜翦定大致名馬并獻珊瑚

連理樹上甚悅

節本傳

齊

裴昭明河東聞喜人仕齊為祠部通直郎永明三年使魏還遷始安內史郡民龔元宣詭云神人與之玉印玉板書不須筆吹紙便成字自稱龔聖人以此惑衆前後太守敬事之昭明付獄案罪及還貧罄至無宅歷郡皆清勤嘗謂人曰人生何事須

聚蓄一身之外亦復何需子孫若不才我聚彼散  
若能自立則不如一經故終身不治產業中興二

年卒

參本傳

梁

柳惲字文暢河東解人仕齊為冠軍將軍入梁除  
長史兼侍中天監八年持節都督廣交桂越四州  
諸軍事仁武將軍平越中郎將廣州刺史為政清

靜吏民懷之

舊志

裴邃字深明河東聞喜人歷守廬江廣陵被讒左遷始安太守邃志欲立功邊陲沈深有思略為政

寬明能得士心其勲名後著淮肥間

舊志

王琳字子珩會稽山陰人元帝素親厚之少好武遂為將帥拜湘州刺史使拒武陵王紀紀平授衡州刺史元帝性多忌以琳所部甚盛又得衆心故出之嶺外都督廣州刺史時友人主書李膺見知於帝琳謂膺曰琳蒙擢拔常欲畢命報國今天下



未平遷琳嶺外倘有不虞安得効力何不以琳為  
雍州刺史使鎮武寧為國捍禦警急可赴膺然其  
言而不敢啓遂率其眾鎮嶺南元帝為魏攻逼徵  
琳赴援至蒸城聞江陵已陷為帝發喪三軍縞素  
遣別將侯平攻梁王營於江陵琳屯兵長沙然已  
無及矣

舊志

王勸字公濟臨沂人恬靜清簡未嘗以利欲干懷  
武帝大同末拜冠軍將軍南海太守行廣州府事

越中饒沃前後守宰例多貪縱勸獨以清白自持

政績大著

舊志

陳

章昭達字伯通吳興武康人天嘉元年封欣樂侯  
高宗即位進車騎大將軍歐陽紇據嶺南反詔昭  
達都督衆軍征之紇聞昭達奄至乃出頓涯口聚  
沙石乘以竹籠置於水柵之外用遏舟艦昭達居  
其上流裝艦以臨賊柵又令人銜刀潛行水中以

斫竹籠籠篋皆解因縱大艦突之紇大敗擒之廣

州平

節本傳

沈恪字子恭吳興武康人梁新渝侯蕭映遷廣州以恪兼府中兵叅軍常領軍討伐俚崗盧子畧之亂以功除負外散騎侍郎大建元年以恪都督廣衡交越等十八州諸軍事時章昭達初平歐陽紇兵荒之後所在殘毀恪綏懷安輯被以恩惠嶺表

賴之

舊志引廣東通志

阮卓陳留尉氏人天嘉元年累官晉安王府記室  
時歐陽紇雖平而交阯夷獠往往相聚為寇卓奉  
使招慰交阯通日南象郡多金翠珠貝珍怪之產  
前後使者皆致之惟卓潔身而還衣裝無他人服

其廉

舊志引  
本傳

王猛字世雄大建中歷官東衡州刺史加平越中  
郎將大都督發廣桂等二十州兵討嶺外荒梗所  
至皆平後主二年詔授鎮南大將軍都督二十四

州諸軍事尋徙鎮廣州未之鎮而隋師濟江猛總  
督所部赴援時廣州刺史臨汝侯方慶西衡州刺  
史衡陽王伯信各觀望不至猛遣別將斬之而發  
其兵及聞臺城已陷即勒兵緣江拒守又審後主  
不死乃遣部將辛昉歸款於隋文帝即詔猛與行  
軍總管韋洸便留嶺表經畧猛討平山越馳驛奏  
聞文帝大悅降璽書褒賞尋卒於廣州

節舊志  
引本傳

隋

蘇孝慈扶風人仕周官至工部上大夫入隋累遷  
工部尚書出為湘州刺史仁壽初遷洪州總管俱  
有惠政其後桂林山越聚眾為亂詔孝慈為行軍

總管擊平之

參隋史  
本傳

乞伏慧字令和馬邑鮮卑人仕周官至開府儀同  
大將軍入隋累遷荊州總管又領潭桂二州總管  
三十一州諸軍事其俗輕剽慧躬樸素以矯之風

化大洽

參隋史  
本傳

侯莫陳穎字遵道代人少有器量仕周拜昌州刺史入隋為邢州刺史時朝廷以嶺南刺史縣令多貪鄙蠻夷怨叛妙簡清吏以鎮撫之乃徵穎入朝拜桂州總管十七州諸軍事到官大崇恩信民夷悅服谿崗生越多歸附煬帝即位召還而嶺南閩越又多不附復拜南海太守卒於官謚曰定

叅本傳

周法尚字德邁汝南安成人初仕陳復歸周及隋平陳以永州總管安集嶺南復轉桂州總管數年

徵還朝宿衛未幾桂州人李光仕反令法尚往桂  
州發嶺南兵上柱國王世積出岳州徵嶺北兵俱  
會尹州光仕逆戰擊走之世積所部多過瘴不能  
進法尚獨討之捕得其弟光畧光度招降其黨遣  
兵列陣以當光仕親率奇兵蔽林設伏馳破其柵  
追斬光仕以功進右光祿大夫

祭本  
傳

韋洸字世穆京兆杜陵人隋平陳拜江州總管畧  
定九江豫章高涼女子洸氏率衆迎洸遂至廣州



說渝州都督王猛下之綏定二十四州嶺表悉平  
拜廣州總管後討番禺夷王仲宣中流矢卒

參本傳

劉方京兆人仕周為上儀同入隋進位大將軍仁  
壽中交州俚人李佛子作亂據越王故城詔以方  
為交州道行軍總管統二十七營而進法令嚴肅  
然仁而愛士論者多稱為良將至都隆嶺遇賊方  
遣營主宋纂何貴等破之進兵臨佛子先諭以禍  
福佛子乃降送於京師其有桀黠者恐於後為亂

皆斬之尋授驩州道行軍總管經略林邑方率大將軍張遜司馬李綱舟師趨北境至海口連戰皆克遂濟區粟進大緣江經馬援銅柱南行八日至其國林邑王梵志棄城走刻石紀功而還然士卒病腳腫死者十四五方亦道病卒

參本傳

令狐熙字長熙敦煌人累官汴州刺史時嶺南蠻數起為亂乃徵拜桂州總管十七州諸軍事熙至部大宏恩信諸谿崗渠帥相謂曰前總管皆以兵

威相脅今乃以手教相諭我輩其可違乎於是相率歸附先是長吏坐路梗多不得之官至是悉遣之為建城邑開學校蠻獠感化焉時有甯猛力者在陳時已據南海平陳後文帝因而撫之即拜安州刺史然倨傲恃險未嘗叅謁熙手書諭之申以交分其母有疾復遺以藥猛力感之詣府請謁不敢為非熙以州縣多有同名乃奏改安州為欽州黃州為峯州利州為智州德州為驩州東寧州為

融州皆從之。會有訟其受李佛子賂，不即遣入朝，以致反者。帝怒，逮之行。至永州，憂憤病卒。及劉方

擒佛子至京，乃得白。

參本傳

權武字武子，鞏昌人。

本傳作天水人

桂州李世賢作亂，以

行軍總管與大將軍虞慶則共討平之。武常以南越邊遠，治從其畧，務適便宜。後坐事，除名。仁壽中

復拜桂州刺史。

參本傳

何稠字桂林，西城人。開皇中累遷太府丞。會桂州

俚李光仕為亂詔稠召募討之稠先遣使招其渠帥尚主莫崇解兵降欵桂州長史王文同械崇詣稠所稠詐宣言曰州縣不能綏養致邊民擾叛非崇之罪命釋之引與共坐從者四人皆設酒食遣之崇大悅歸尚不設備稠至五更掩入其尚悉發俚兵以臨餘賊象州賊帥杜條遼羅州龐靖等相繼降欵分遣梁昵討叛夷羅壽馮暄討賊帥李大檀盡平之承制署首領為州縣官而還衆皆悅服

欽州刺史甯猛力亦惶懼率衆迎軍請入朝稠以其疾篤示無猜貳遣還約八九月詣京師稠還奏狀其年十月猛力卒上謂稠曰汝前不將猛力來今竟死矣稠曰猛力共臣約假令身死必遣子入侍猛力將終果誠其子長真入朝已而長真至上曰何稠著信蠻夷乃至此以功授開府


本傳

慕容三藏燕人開皇中奉詔持節涼州道黜陟大使會嶺南酋長王仲宣反圍廣州命副柱國將軍

韋洸討之洸中流矢卒詔三藏檢校廣州道行軍  
事賊衆四面攻圍三藏固守月餘以糧少矢盡不  
可持久乃率驍銳夜出突圍擊之賊衆敗散廣州

獲全以功授大將軍

參本傳



廣西通志卷六十三